

妙
香
齋
詩
集

妙香齋詩集卷之四

嘉肇重輯

古琅邪趙德懋荆園著

曾孫惇統

嘉翔

同校

寶源廠祭山

寶源勝地自昔傳礦旺銅豐歷有年時衰時盛反覆手好
音寂寞望眼穿我來此處瞻形勢羣峰卓立中如拳眾大
取小徵孕育相吉立穴莫遲延天財地寶隨運會掘方盈
仞已及泉四圍周匝無終始下不計尋上通巔石竇中開

啟秘鑰後之視今今視前卜日致祭酬神惠沐手焚香秉
心虔壯負幼戴各努力菁華弈弈徹中邊玉已離璞金入
冶光氣常蒸丹竈烟遠可運都近運局源源接濟無後艱
道旁舊有冬青樹英華消歇久無妍今歲忽然吐繁蕊喧
語嘉植得氣先花正敷榮早開廠草木獻瑞信有焉攀枝
小憩聽鶯囀積日憂思一旦捐

憶行人舟入漢江

入漢江流穩輕舟自在行日高帆有影風靜水無聲一葉
推移便三篙浪漲平悠悠襄郡路明月照前程

夜雨

連日望雨總不雨狂風吹散陌上土
父老婦子走相祈隔年未見商羊舞
昨晚獨立倚闌干星河皎潔子細看
幾點閒雲瞥眼過青氣四被兆霖難
垂幔睡餘忽如寤空階滴瀝響不住
披衣起坐聊悵望彩女閃灼隔街露
數月沃澤一夕通憑將消息問東風
屯膏原非天心事擾我清夢是梧桐
乍如細細飛銀箭漏滴聲遲傳更徧
側耳須向靜中聽幽點時濺芙蓉面
俄頃震奮般其雷懸流湧注百泉開
屋瓦俱動人驚起急雨溜簷橫空來
神龍出沒往而復旋

大旋小越宿足淋淋漉漉接平明十里青山盡如沐踏泥
扶杖到東菑良苗懷新處處宜通宵已兆豐年瑞自古好
雨原知時

題蕭明府畫素壯丹

名花一幅燦雲箋脫盡繁華別有妍淡淡圖成春富貴羨
君省卻買脂錢

早晴

三日以前望雨行三日以後望雨止非必人情多變遷因
時致宜各有以望雨不雨則傷旱望晴不晴則傷水傷水

傷旱皆爲災記載昭然列青史淋淋不住夕復朝栽插幾
遍田畷喜胡爲夏木喚雨鳩殷勤喧呼猶未已雷聲電光
相閒發近視遙聽駭目耳伏枕高臥細思量斗聞西風颯
颯起奚奴爲報小山根霓橋高駕映中泚杲杲曉日生於
東流雲一掃去何駛陰極轉陽只須與旣雨方知新晴美
披衣曳履豁遠眸一幅煙景畫圖裏

書境

陰晴天氣晝冥冥間步前齋自啟扃半榻清薰翻乳燕一
池新漲長浮萍隴頭秔稻同敷綠萬里雲山各送青思騁

游觀何處好東城角下轟孤亭

椒園王別駕赴廣西州見過

于役經路陽惠然不見棄邂逅觸遐思是我舊相契埽徑
一榻懸開軒樂把臂庶幾傾中藏暢談良無忌阿廬俗標
悍擾攘驚市肆奉檄來勘訊道路傳聞異急之則傷民緩
之則傷吏無蹤亦無枉此行大不易聞言捧觴祝君其了
此事昇平敢聚嘯形迹不知避但得開一面株連鮮善類
賣劍樂買牛仁言免逮繫獄成付一燼盛德貽後嗣行矣
君家東平擅循名勿以鍛鍊負前志

雨餘署中高處眺望

流雲霄遠山涼風蕩院樹雨餘境最佳攝屐適獨步朱欄
俯城垣立身致高處曠望淨塵埃煙光莽回互良苗一色
青秀發無新故沾體塗足人紛紛畦上路掠水自飛飛閒
情寓野鷺沿流新漲平高下資挹注如讀大田詩欲續陶
令句淡然忘言說徘徊不能去猛聽隔寺鐘不知日云暮

計行人應抵樊城

已抵襄陽指洛陽平原沃壤異江鄉登車竊喜中州近回
首還憐楚水長岳岫雲歸新雨過淇園竹動晚風涼故關

一往無留滯帆影翩翩早渡黃

野興

連日困簿書閒情寄幽曠出郭恣遨遊隨意無定向遙聞
白雲中隱隱發清唱過澗喜逢人留坐盤石上野老知敬
官屏息視不仰汲泉致殷勤感伊中心貺簞豆備食肉聊
佐田家餉稽首賦飽德彼此相推讓言語漸發舒稍釋拘
迫狀如介盤谷閒使我精神王欲歸迷花徑導引出青嶂
河水逝滔滔雨餘泛新漲柳陰垂釣翁注目審漁浪何當
乘扁舟順流作一放

計行人渡黃

千里重聞款乃聲
蘭陽渡口畫船明
波搖樹影隄邊鎮
浪掃苔痕水上城
豫兗中分雙岸濶
淮徐直注一帆輕
黃河既濟鄉關近
計到鄉關更幾程

宜良河漲渡

宜良市外水滔滔
呼渡臨河舟似舸
兩岸煙雲波十里
一天風雨浪三篙
魚衝漲躍鱗先動
燕掠帆飛影自高
鼓枻中流豪興發
依稀如對廣陵濤

雨夕獨立

老屋燈未挑黃昏日已暮萬里懷歸人荒署兀坐處捲簾
出前楹纖月隱高樹霖雨沛無端淋淋響不住撲面嗅荷
香滴瀝走珠露對此感我心悵然憶親故六月暑將徂微
涼時暗度燕燕行將歸我獨不能去默爾還自傷身被簪
纓誤欲爲張蓋游陰沈防蹇步獨立旋移時長吟彭澤賦
北斗隔雲端極目滿煙霧

聞古城一帶河溢傷稼感賦

秔稻正喜秧插徧浹旬陰雨饗飛箭路陽西北濱大河上
流湧注下回漩水滿則溢百道開急浪滾滾連四面昨爲

平陸今行舟目襄陵谷頃刻變水光渺瀰鷗鷺飛波濤洶
湧魚龍見憑高一望三十里浩浩蕩蕩接州縣良苗盈尺
悉淹沒婦子涕泗父老怨惟祝風伯施神威橫埽煙雲清
野甸積潦漸消流歸壑豐年何須憂水涸

石林書屋漫興

有敘

此署中東書屋也戊辰春攝篆路甸勞於廠務在
署之日少人稀廨曠更役實止宿焉挑燈就寢昏
然不知屋四壁皆紙飾燈然紙焚自下而上及寤
已及頂棚不可撲滅俄而火自下墜流星四散遂

以無事回署往勘其地痕迹釐然蓋有天幸焉余
何修而能致也惟有自勵官箴銘心不忘而已今
已閱二載雨中避暑兀坐撫今追昔不勝感慨爰
賦以自警

水火之用遍千門亦或濡首及燎原養人害人陰有主元
冥祝融職司尊官舍東偏舊書屋楊柳青青芳草綠湘簾
半捲闕無人惟有執更實止宿四壁卓立一燈懸春晝苦
長多貪眠燈花然紙昏無覺炎炎不絕滿雲煙煙氣薰騰
忽驚起方知身在烈焰裏夜半不敢大作聲何處得來一

杯水忽然墜地若流星精光四散宵冥冥迹類回風不成
災皎皎秋月透疏櫺旋署向我爭稱異攝履言踐石林地
梁上痕迹尙釐然半晌無言心神悸室北近比常平倉倉
中貯有萬石糧借使延燒撲不滅若箇責備誰克當望空
咄咄感神惠自愧無德何由致周官六計端尙廉勝向禪
林持半偈歷辰徂已再隔年北窗高臥三伏天去舊易新
箋似雪依稀斜長界中邊盡日來游樂閒做每逢兀坐先
高仰事過何須重推驗惆悵前緣一拍掌

情借

秦越殊觀古道微聊憑慷慨嗣芳徽每逢踵告先焚券不
吝囊傾自典衣子母相權羞會計車裘與共邈輕肥有求
輒應無成見萬古浮雲竟日飛

池魚

洋洋生意借淪漣扶杖臨池靜與綠掉尾時驚雲外月噴
珠自適水中天春來拋子桃花浪葉底藏身玉蕊蓮莫向
此閒淹滯久龍門高處足盤旋

書懷

三里山城僻臨民歷日長性廉窮正好政簡懶何妨出谷

憐鶯滑銜泥笑燕忙會通黃老意閑閣樂年康

讀佛經

幾卷僧書貝葉成款門借讀覺心清了通淨理參因果月
照禪林一鏡明

憶別

風景依依悵別離牽衣繞膝有誰知劇憐孺慕從天性猶
記臨行拭淚時

夜雨

孤燈明滅夜黃昏朦朧旋醒暗銷魂桐階初響雨滴葉湘

簾頻敲風到門
袞牀輾轉不成寐
千頭萬緒亂人意
隔院任爾荷聲喧
手理羅幔學強睡

哭仲弟

人皆有兄弟何爲參與商
自願我伯仲同氣聚一堂起居
相與共怡怡樂無央
偶被好名誤作牧來南荒
臨歧秘寄語及早還故鄉
弟身素病肥道遠怯風霜
口應心亦許耿耿志不忘
宦途多羈縻奄易數溫涼
閒歲勤問訊只道體健康
竊謂半百人暫離究何妨
每逢魚書至啟緘細端詳
但出汝手迹翰墨發馨香
萬里同一室平安視爲常
昨伴

捧函進形色現倉皇望容疑有異披閱心目忙覽札未及
半知爾付黃梁變故出意外驚駭斷中腸憑空折左臂肉
骨無傳方相殘何太急頓足呼彼蒼旁觀助悲切哀聲徹
迴廊少閒氣平復依舊理前章記爾始終事明白兼慘傷
先以痰中病後以痢身亡臨劇自擇嗣長幼兩兒郎葬或
依父兆兄弟作主張更言思我甚呼兄聲琅琅一讀一滴
血盈盈透衣裳負爾由戀棧百年遺恨長此意誰與語氣
結聲不揚魂夢庶相接幽明隔渺茫惟有枕席上夜淚添

幾行

聞幼孫讀書頗聰明

聞說幼孫方就傅天生頭角露崢嶸
愧無樹德留前蔭薄有書田待後耕
鳳翥莫言繩祖武鵬搏仁望振家聲
芳蘭芽茁誰培植玉美由來借琢成

聽訟

折字煩言古道疏一行作吏意何如
是非悉剖衷經義大小以情附例書
疾惡不嫌驅烏雀臨民莫市察淵魚
于公仁恕天心鑒高望前徵信起予

立秋前五日風雨狎至居然秋景感而成賦

我有遂初心橫琴羞俗吏撫絃聊一揮風雨飄然至颯颯
不停聲點點灑滿地仰視空中雲油油黑如被竹露與荷
香逼真是秋意兀坐添新涼緜衣憑誰寄暑去又寒來易
節瞬息事對此感離情惆悵心如醉萬緣不相關倚枕只
午睡

過竹林寺

隨意訪名山山深寺亦閒峰巒分向背金碧煥莊嚴遶砌
蘭常秀當窗竹不刪未通清淨理多負叩禪關

孫中丞涖任

莫道東牟

初中丞

無與方任城宦迹久馨香八千里外經綸

著四十年間日月長

公與余同入學

新政應仍如舊政

公屢任他

封疆

鄉竊喜遇同鄉漢夷歡洽歌來暮不假私情作頌揚

晚興

涼夜步空庭鄉思撥不平桂香和露冷蟲語逼秋清地據

三迤勝人懷萬里情朝

天欣有日延望意怆怆

三塔

矗矗凌霄入望重浮圖鼎峙曉雲封三才列鎮榆城古近

接蒼山十九峰

喜鄭郎州來接篆

兒童祇候莫愆期，萬里相逢兩不疑。

昔去郎州，曲陽亦無前後手。

芥蒂今來榆郡豈參差，詐虞胥泯君應信。猜忌全消我固知，默憶蘭言懷舊契。妙香閣外意遲遲。

下關

諺語豈傳謠言從小市，過颺颺吹不住。風到下關多

將入觀作

綸音遙賁荷

龍光引領

丹墀益悚惶興教徒傳文蜀郡勸農誰並杜南陽微勞必

錄

君恩重寵秩初膺

聖澤長自愧無能思報稱惟憑清白肅官方

游風洞

龍尾關外多飄風凌虛結響自逞雄石梁相距剛數武靜
翕動闢致不同造化消息憑誰問此閒疑近少女宮憶昔
曾閱妙香志點蒼角下久傳異有洞幽深沈山腹疾徐溫

涼貫四季由近及遠出無窮盡日不住只噫氣攜酒言從
曲徑游無邊清冷逼素秋攬衣還須防吹帽隔岸楓葉響
颼颼危石卓立中開竅曠如奧如一望收風井通達津風
穴大如輪此洞堪與相比倫異境呵護皆有神耳聞不及
目覩真君不見峰嵐之液溢爲泉淵淵不竭漸成川君不
見靉靄之雲出幽谷朝朝淨空傍岳麓事異理同可借觀
山澤通氣知已足拍手大笑得意去天生橋邊看飛瀑

閩南詔碑

刻石記功任人爲入滇久聞南詔碑著作出自清平手意

緒纏緜耐思維城門已堙隨傾欹埋沒塵煙又幾時好古
適遇賢觀察

李公

掘土出坎戒損虧長繩費盡千人力扶立

無能且臥之安置妥貼防風雨覆以瓦屋藩以籬我來道
旁尋古迹摩挲苔蘚反覆窺點畫剝落幾過半全文不見
義可推用人失當貽敗屺千載炯鑒理在斯鋪張揚厲多
逾分翼戴中朝庶無私興來欲爲三隅反破鏡重完應有
期斷簡殘編存故府附會恐貽識者嗤寸羽片鱗本色在
但欲傳信莫傳疑略見大概揮鞭去何事又從爲之辭

夏旱

有敘

辛未春夏交京師雨澤愆期

皇帝虔心祈禱

恩詔屢頒並憂及豫東兩省亦皆未沛甘霖余山左人不
勝故鄉之慮越秋接蔣方伯由汴寄音言五月上
中兩旬河南普渥澍雨禾苗秀發可以轉歉爲豐
豫東接壤或亦均荷天澤冀其然又恐其不然鄉
關萬里書信闕如卽事直賦以志盼望

東南饒水田西北盡亢地所恃惟澍霖愆期卽廢事京師
春夏交屯膏廕

聖意河嶽及百神禋祀禮儀備清獄更減刑

恩詔重疊至兼慮及豫東香帛憑郵寄儂生琅邪村逖聽
心如醉羽音汴京來惠我三百字爲言夏甫半霑足荷天
賜黍苗鬱芃芃西成良可冀喜極復生疑端居切擬議兩
省一河通陰晴無大異千里不相同安得援爲例待澤與
憂農反覆勞寤寐家書久不通瞻望已竟歲嗟苦廿載前
旱魃大作崇無麥亦無禾災祲太史記貧者乏糟糠富者
甘麤糲餓殍滿道路十生無三四運固逢陽九人終鮮蓄
積光景尙依然回首欲掩涕井邑最關心豈僅爲私計

城樓臨眺有敘

榆之東門曰永清舊有樓日久傾頽余蒞任與觀
察達公提督雙公捐貲重修落成後時一臨眺

升高望遠意悠悠無任傾頽依舊修捐俸非因徇眾請鳩
工只爲衛民謀山河拱峙金湯固墉堞森嚴畫角秋千載
宣城傳勝迹永清門上一登樓

大理懷古

形勢疇比榆之卓蒼山洱水附城郭險扼兩關分首尾流
納羣溪渺孫若二水名鐘聲噌吰高樓發塔影縹緲秀峰落

居中雅擅襟帶勝控制百蠻相恃恟三代以上爲荒服妙
香不過土一撮蒙段竊據歷有年五詔埽清增式廓夜郎
未許昌自大相如乘傳西南略龍泉頂下曾駐師諸葛勳
名今如昨仲通李宓眞奴才隻矢不返填溝壑韋皋能制
南人命義効前驅國恥削懿哉天啟元太弟憑高臨下眾
驚愕千載負固歸版圖刻石紀功何恢拓整理更有明頴
川天戈一麾就束縛吁嗟乎此地易守亦易失曠懷軼事
暗忖度

諸葛城

漢相屯師處荒城土一撮無人能竊據千古屬諸葛

帝釋山聞樂

帝釋峰頭響遏雲鈞天一奏隔塵氛清音偏向穹中發仙
樂還從靜裏聞綬嶺依稀逢子晉洞庭彷彿遇湘君移時
頓覺煩襟滌月落西山日未昕

送翁守府東歸三首

公蓬萊人以武甲榜任大理城守同鄉同城自屬相得值其告

歸賦此

送行

等是滇南客同城甫及年殷勤鄉誼重剛直素心傳頓觸
三秋意長懷萬里天風霜須自愛海曲路緜緜

把臂牽離緒，開尊解客顏。丈夫多意氣，壯士渺河山。白雪頻攜取，孤雲任往還。行旌何處所，應早抵龍關。

故人從此別，揮手意悠悠。解組無依戀，歸田得自由。滇黔驅匹馬，江漢接孤舟。屈指重相遇，春光滿

帝州

鸚鵡語

綠衣學語成反覆，說不了，隔窗呼客來。知是天已曉。

龍關曉月

五更客夢醒，聞雞欲起舞。纖纖一鉤明，殘月如新吐。

祀武侯祠有感

在蒼山角畫卦臺在
山半鐵柱亦在境內

遺恨分三國天威靖一方名應垂宇宙德足永馨香柱剝

風煙古臺欹日月長篤生原有處未許讓南陽

公現邪人
故云然

爲朱醫詠

微疴承良劑調和漸就痊溫涼無誤症問切有真傳李子

路南
名醫

遙聯轡熊生

彌度
名醫

近比肩丹溪今不作誰克嗣前賢

病愈

惆悵秋風暗自猜垂簾兀坐亦何哉偶思分局神先散時
欲長言興不來數日光陰皆曠度崇朝飲食喜新開偷閒

竊恐妨公務案上簿書須手裁

楊子發解喜詠

生門下士也好學篤志閱其課藝許以必售今果發解詠此志喜

蒼明洱秀啟斯文楊子科名竟冠軍
雞喚天都聽首唱馬經冀北看空羣
品題有定人如玉位置無雙氣似雲
聞道

榆中頻發解

厯中解元者三人皆楊姓

一林丹桂襲芳芬

書院中桂樹成林因取名

桂香

憶住趙州

終夕盤桓借小休前驅遙指古匡州
垂簾竟日因誰捲懸榻經年爲客留
四面青山連郭動一灣活水遶城流
賢勞

應荷明昭賜瑞兆雙歧卜滿篝

三瑞堂行

有敘

趙州內堂額顏三瑞顧而異之木堂李公爲言壬
申之歲治偏蓮池花開連臺附郭良田禾秀雙歧
而楊生之家更庭生紫芝皆上瑞也因取以名堂
余謂諸福之物可致之祥皆非無因所以應此天
庥者於刺史有厚望焉因賦以勗之

我從葉榆來假館凡數四適見庭中央題額表三瑞莫知
所從來心口滋擬議主人出小卷拜手呈長吏小引開其

端歌詠分次第

李公有紀瑞詩

取以名此堂傳爲不朽事蓮池署

右偏綽約當夏季菁華遏不住結爲連臺勢高低互掩映
非一亦非二花上開重花並蒂非其類去秋爲上收禾稼
賦穉穉刺史勤省斂父老道旁待各進苗一束同莖而殊
穗雙歧兆豐年堪入太平記紫芝本無根篤生不擇地何
期處士家秀草毓階砌不敢私其有移植貯良器置之琴
書閒幽蘭想同氣閱畢細思量命名確有意休嘉不虛生
莫之致而致一見已爲難况乃三者備誰實牧此邦感召
應有自桑或可稱祥草禾何足異應天不以名矢詩余懷

寄

紅崖遇陳公

名繼預現署
彌度分府

同舟期共濟寮誼歷時深
新雨孤燈夜三秋一日心
人情多變幻我輩少浮沈
相對惟尊酒呼童續續斟

沐滂鋪道中

下坡未盡又登坡鳥道回旋次第過
入店莫嫌渾酒淡出門最怕早霞多
騎牛牧去仍吹笛荷擔人來只放歌
小憩路旁無坐處手披蕪卉采秋蘿

過安甯州

戶口流亡猶未復重重災疫竟何如戾鍾太極

城中氛偏

惡被借溫泉

謂可已疾

計已疏千里多慚新撫字八年

去此已八年

堪憶舊居諸階前丹桂經培植聞道花開香滿廬

折獄二首

折獄談何易研窮敢自疏惟期成信讞庶不負爰書失入
心常懷求生意有餘易垂明慎戒擬議費躊躇

鍛鍊胡爲者情真罪不違悉心窮幻態含痛對赭衣冤抑
羣聽邇平反眾望歸閒披司馬傳酷吏恃刑威

不寐

倚牀輾轉夢難成擾擾鄉心觸緒生語雜最嫌蟲聒耳光
寒不怕月無情流陰荏苒經三載十七年入道里悠長約
萬程擬遣岐兒歸省母囊空還得待春明

登藏經閣觀佛經二首

高步禪關第幾層雲梯有級快連升黃花滿院天花落貝
葉須參最上乘

閣號藏經經萬卷如來宗旨果何如琅函手啟塵心靜卻
坐禪牀讀佛書

閣李虎觀同陳子元賴梅莊自三塔寺游浩然閣小

飲晚歸歌

勝迹因人傳登臨仰謝傳千古騷壇英經過卽留賦佛都
與洱海南詔稱名著司馬雅好奇同聲思趨赴相知結同
心連袂逞健步三塔高出雲絕頂金鵬翥款段叩禪關經
藏最高處幽深人到稀黃菊開滿路啟窗讀法華心明若
有悟茹茗坐移時清興秘不住迤邐東南行一帶急如注
舍陸須登舟泳游中央渡舉網得細鱗烹鮮佐酒具小憩
水心亭隔岸飛孤鷺更上浩然閣憑欄饒佳趣期盡今日
歡酣飲不知暮西風吹我裳涼月挂前樹矢口歌歸來蒼

茫在煙霧回憶所從經伏軾欣得句四章次第成敏捷家
聲素據事作直書稱述良不誤老氣橫九秋斑爛古色露
如披廬山謠青蓮難學步愧余未得從三復有餘慕

重陽前一日賴大和邀李司馬陳幕友同游三塔寺

浩然閣薄暮醉歸代紀

年少初服官詩酒非俗吏結交見性情適我莫遐棄有客
惠然來入室定把臂主賢賓亦嘉風雅蘊深致旣作十日
歡更偕登臨計崇聖舊藏經虔心誦千偈忽從閣上望一
帶落天際欲爲浩瀚觀扁舟柳陰繫就深撒魚網尺鯉觸

綸望高樓依河干借飲欣得地酌醴兼烹鮮住處卽行饋
是游誰作東一一先期備子倡我和聲我舞子投袂聯吟
凡幾章贈答各見志脫帽忘露頂形迹總無忌日盡繼以
燭頽然賦旣醉避席伊何人執爵中心寄諸君傾耳聽應
識言中意此樂真無央但恐妨公事緬懷古之人披星戴
月治

登聚仙樓

在中和
峰之陽

高閣倚雲端登臨不覺難中峰瞻處近洱水望來寬懷古
情無極尋幽興未闌仙人何處是久立不勝寒

望山行人

渺渺隔前山行行笠影閒斜穿紅葉徑正在白雲閒牧子
驅牛去樵夫荷擔還遙瞻疑入畫好手倩荆關

殘月

睡餘夢初回栖雞叫不住披衣問何其一鉤斜在樹安見
不如新諸君莫忘故

詠院中蘭

佳卉何時植庭中臭味長每當攀竹箔斗覺挹芬芳此地
非空谷何花是國香幽人紉作佩馥馥襲衣裳

觀穫

吹噓藉天氣秋深秔稻熟穎粟垂中田柔莖漸謝綠受賜
荷明昭西成期已促錢鎛爾旣具結伴走鹿鹿度阡弟從
兄越陌主驅僕彼界與此疆先後共徵逐銚艾適其時奏
功不用速有如食葉蠶隱約聲相觸又如入松風依稀韻
出谷芒刃何曾頓棲野禾萬束遺秉爲誰利餘粒任鸚啄
餉婦荷擔來雙鬢插野菊我至勤省觀景象堪娛目野人
知敬官爭此獻酒肉聊作借箸嘗各使得所欲父老傾耳
聽秋歛何給足拱立前致辭盈止託君福閭閻饒蓋藏嘉

賦無可辱笑出袖中金酬汝壺內醪亟辭始受命勤喜情
亦勗回路經江村露積向日曝風雨弗損傷沿場響碌礫
奉匱進新米勻圓美如玉百室從此開共飽太平穀

書懷

邵杜勳名未易期前徽高望意遲遲問年不比馮唐老占
數那同李廣奇簞簞貽羞凡自蹈廉隅矜尙謝人知與民
休息歸安靜悃悞無華是我師

畫卦臺懷古

漢相屯兵處荒涼畫卦臺河聲從北轉山色自西來上下

乾坤定陰陽日月開指揮通八陣遺迹沒蒼苔

游感通寺

松竹葱蘢一徑賒梵王宮殿白雲遮高僧塔影秋風裏荒
院空尋龍女花

懷清澤二堂兄

時年八十有八

共承祖德爲兄弟萬里睽違離緒牽教子課孫眞樂事踰
耄躋臺是長年棣華競發歸同本雁影分飛隔異天聞道
家居猶善飯囊中竹實莫輕捐

懷鈞澤三堂兄

精堪與

茱萸徧插我無緣獨立西風意悵然物換星移剛一紀

兄長

歲十
二 天高地遠又三年參商不作天倫重踐履無傷世澤
縣爲憶騎驢尋脈客而今健步可如前

贈陳子元

年少風流客超然遠俗襟山川勞杖履花月助歌吟偶挾
囊中矢時揮案上琴此情誰與賞竇主賦同心

示少子智

新詩因汝製寄去八千程孝友敦倫紀詩書養性情莫言
年最少惟恐一無成頭角今何似寒暄又幾更

寄內

夫婦以人合偕老兩相期琴瑟常在御恩愛無參差丈夫
志四方功名促分離萬里滇南道皇華賦載馳汝來旋復
往爲我一官羈黔山與楚水悠悠牽別思入都重會聚憑
限虞稽遲當我登程日是汝采薪時強顏作色笑心事兩
情知自我不得見三年又於茲多愧牛女星七夕不終違
卻坐理吳鉤應憶白頭詩曾孫繞膝長朝朝事含飴夢魂
偶相遇此樂汝有之緬懷鹿車客伉儷篤倡隨何當早歸
去舉案共齊眉

朱友贈肉桂

客從自則來餽以自則桂知我病胃寒拜手承君惠啟匣
有餘香咀之甘辛備津液溢欲流喜無乾躁弊善引火歸
元苓朮非其類安南老樹枯得此良不易是藥籠中物何
敢或失墜當爲什襲藏珍重故人意

九日登高

山勢嶙峋步步高登臨應節豈辭勞中峰雪碧偏增麗
蒼
八月 卽雪 洱水霜清不作濤今日無風吹落帽他年有句憶題
糕呼羣踞石同歡飲小摘茱萸入濁醪

九日游佛都寺

重陽佳節無風雨古寺蟬聯取次行舉步時防苔徑滑升
階始覺佛堂平黃花滿院香何淡澗水烹茶味倍清更上
藏經樓外望山光塔影極天橫

自責

老成受侮有誰憐克已寬人意釋然論事咸知君負氣原
情只爲我無錢引車思避於今少唾面任乾自昔傳試問
風流矜勝客胡爲裘馬日翩翩

鄧州道中

驗水災

山徑臨平岸停輿暫易衣游魚衝水上孤鶩避人飛此地
波瀾濶何年汎濫稀民間拯濟信各向故鄉歸

至鄧州

百里程何遠行行路不迷牛歸荒徑外日落亂山西粉堞
風煙冷官衙廡舍齊主人能好客肯累及羣黎

喜艾進士至

有客來相訪睽違計日深詩書寒士業風雨故人心覲面
牽離緒升階識足音救荒無善政促鱗共沈吟

鄧州署中

數日淹留荒署東垂簾促坐晚燈紅鐘鳴漏動三更月竹
拂松翻半夜風望重騷壇推屈子名標循吏數文翁殷勤
別有關心事爲問琅邪歎與豐

鄭公曾
過山東

鄧州西湖

天光水色兩清虛萬頃茫茫賽孟諸饒有閒情惟野鷺煙
波深處自捕魚

答艾子遣紀寄壽詩

伴從何處來饋我延壽酒相偕備重緘敢視詩一首維誦
經迴環尺素涵眾有是頌還是箴清風古爲偶開端致殷

勤詞曰忘年友記君誕降辰歲在月之九寒士乏長物作
歌出己手壯懷馬伏波千古同不朽再曰華髮人精神貴
固守飲啖受以節運甕下堂走防身兼防心出入懲儆笱
佳章悅我心佳釀悅我口悅心發長吟悅口酌大斗釀罄
章仍存著語良非苟願爲什襲藏南山共悠久

放撫卹

榜揭康衢外羣黎望澤同蓬頭來猥婦赤足走蠻童但欲
無遺冒端求有始終成災方給賑望斷瀟川東

鄧川卽景

三里山城畫角秋退思軒內

鄧書房額

暫淹留雲籠

主

勢互從

西翼瀾苴波長自北流避客無名姑就浴

鄧北溫泉

分災有役

莫登樓

城南臨海

良言不用真遺策遙憶回光生暮愁

途中感懷

曾無好夢象維魚著手成糠稗不如一代經綸推小范案頭自有救荒書

上關

曉日瞳矓大野閒茫茫巨壑介中間人煙輻輳沙平市形勢蜿蜒龍首關立國同推秦百二分疆誰指段河山司門

如守雞鳴約暴客從何任往還

送鄭金二委員二首

依依心迹兩難忘燈燭交輝共夜光
知己相逢須盡醉莫言此地是他鄉

簡書歸報計途長暫住榆城旋戒裝
他日西風如相憶知君不賦棄予章

閱雲南丙子科諸長官擬程

繡成花樣一時新如入通都萬貨陳
文字羞同多士伍功名盡是過來人
渾金璞玉追先正蘇海韓潮步後塵
借題

發揮心得事官箴千古戒因循

望蒼山雪霽

雪積層層入望濃
寒松不藉白雲封
斜陽一抹明如許
愛煞蒼山十九峰

李舊屬見過

賦到離羣意倍親
東西鹿鹿走風塵
何期宦路重相遇
酌酒言歡是故人

報荒行

八月蒼山雪不消
陰雨連霖北風飄
早起斗覺寒氣重
散

入平田害禾苗昨日出城爲省歛度阡越陌五里遙黃雲
遍野徒照目金莖直上空動梢扶老攜幼道旁俟左手攀
轅右呈紙汝等何故太張皇欲言未言淚如泚今歲杭稻
歉西成室如懸磬將餓死况復縣官急租稅租稅無出還
受比語苦勢急最堪傷仰天竊歎細思量徑達固與前冊
背隱災弗聞貽患長玩視民瘼罪無赦

盛朝官箴寶昭彰書瑞紀異守土責義得據情爲轉詳籌
算已定之他議回署呼奴捧硯至沐手焚香揮毛穎從實
直陳何避忌先時中秋報歲收七分八分約略計而今勘

明半空青日愈日拂由大吏爲眾請命莫遲疑屈指幸逢
九月期哀此窮黎敢多求役不到門肯流離長官憂民應
過我仁見一封奏

丹墀納屈再拜肅使去但有譴責躬當之

規友酒失

使氣胡爲者昏昏入醉天拂衣聲漸厲離席坐頻遷書列
酣身誠詩懲亂豆愆威儀須自慎莫道灌夫賢

高望

拾級登臺日漸冥隔城隱約數峰青豐凶應早垂天象披

去浮雲看歲星

遣興

孤鵬高翥勢摩天目極清冥逸興牽非以優游防政務惟
餘瀟酒度殘年論詩有格分中晚飲酒無監樂聖賢邂逅
何期逢老友謂李牧開囊示我鹿鳴篇

送李令回省

把酒長亭魏欲銷葉榆道上馬蕭蕭驪歌唱罷無多贈笑
出公魚數十條

足疾愈

如石齋詩集卷四
五
健步如飛我未能傷由折足愧淵冰傾身偶誤泥三徑壯
迹難防級一層數月猶憂堪笑樂畢生無失只推曾人言
藉藉何須辯連仞高堂次第升

歲荒詳請緩征奏駁委李司馬勘驗感賦

有敘

丙子秋榆郡歉收士民公呈緩征而約報在先予
激於大義冒昧陳請嚴奉駁飭禍幾不測委虎觀
李司馬查驗以屬實代爲解說予亦赴省憲意未
盡釋然而譴責得從未減回署急議賑濟爰賦七
律四章以紀其事

留泛三星洱水濱
臨流惆悵暗傷神
枉深顧恤爲愁客
肯釋周諮作散人
下願難平兼上責
今冬無食況來春
踰將勉力豐猶可
八口嗷嗷是極貧

黃華載賦入新篇
蒿目時艱應惻然
不避位卑言卽罪
惟知民庶食爲天
羣情咸望殷如歲
眾口難防甚似川
施粥捐貲煩借箸
救荒竇政憶前賢

十日風波一旦平
惟君知我敢陳情
爲民受過心何悔
因義捐官去亦榮
空谷芳孤多異臭
高岡地迥少同聲
若無好我存公道
解組歸田了此生

約報通詳兩不符輕言償事信糊塗災分前後條有年五

上諭惠及征輸邊例無

滇省從未緩征

萬姓阻饑非歲罪一人不獲

職予辜心長力短憑誰訴檢點衣裳減價沾

回榆途次

役竣歸來適應期葉榆道上意遲遲千年負荷觀音石一代興亡南詔碑雲傍山飛峰錯落城連日動堞參差嘉禾遍野西成近樂歲無忘歉歲時

九日登城樓

快意登樓九九時憑城高望觸遐思尊中攜有茱萸酒檻

外吟無風雨詩土據一偏蒙與段書同萬里漢兼夷詠歸
再赴陶潛約坐對黃花月滿籬

新月

曳履步中庭纖纖一鉤露可笑躍淵魚竟被新月誤

晚坐卽境

兀坐蕭齋夜氣深滿城風露響寒砧水衡吏治無刀劍清
獻家風有鶴琴菊影時從燈外見蘭香好向靜中尋詩成
卽境何工拙笑煞推敲費苦吟

納穀

百室同開婦子歡
半珪涼月夜漫漫
簾箕影動金風勁
杵臼聲高玉粒寒
釀就新筍需歲酌
蒸成香飯備晨餐
田家不待催科吏
惟有供已早完

懷包楚雄

戀棧之馬義可羞
倦飛之鳥得自由
人生屈伸貴適志
豈必老病始乞休
吳江包君饒豪氣
廿歲服官閱歷備
所如不合輒引身
急流勇退反掌事
文正於今得替身
風標自持存吾真
剛直廉明家聲古
肯使後人負前人
萬里承恩守茲土
興學勸農循良侶
使得一載借寇君
夷民長歌

猥婦舞憶昨萍遇燕山阿虬髯濃眉英姿多經濟文章供
談吐壯心直逼馬伏波都門送行共執手訪風問俗伫立
久無端重牽離別恨溟陽驛外賦折柳齒序長幼才五年
宦誼交情樂隨肩胡弗與謀拂衣去二疏不作誰能賢懿
哉進退何綽綽半生功名崇朝決聞風應有起興客先幾
終輸君一著君住姑蘇下縣村儂家琅邪泲水濱他年扁
舟來相訪蓴羹鱸膾酒一尊

晚吟

宵分人未眠獨坐思耿耿四壁蛩聲多切切似交警看劍

虛燈暗擁書，忽夜永紗窗走龍蛇。知是松柏影虛室，暗生
白明月上東嶺。淡然冥言說幽意，發清冷曠懷鹿門翁。高
蹈遠塵境，身未脫羈勒。遐心何能逞。

城望

炊烟萬戶上，凌空雲樹蒼。茫入望同行，止自由牛飲。澗翻
飛未倦，鳥呼風荒原微露。天威徑勝地，猶傳白氏宮。徙倚
城樓多感喟，西山高處落霞紅。

弔李中谿二首

善人無後最堪嗟，仗義捐金不顧家。蔓草荒煙殘碣蝕，西

山角下夕陽斜

依然翰苑舊家聲
楊子文章並轡行
弈世馨香留社祀
鄉人矜說李先生

書懷

細水流將盡浮雲止不行
居心宜坦蕩見義必分明
進取非吾事含飴了此生
田園多樂趣脫履有餘榮

雨中

孤館淒涼半載餘
滿城風雨意何如
地偏竊喜無人到手
捲湘簾自著書

寄榆下諸公

同舟共濟歷年長解組歸田各一方
關隘風多空過袖峰高雪積不充囊
望中雲樹迷南詔夢裏亭臺認妙香
異日相遇如有意敝廬西近二疏鄉

病

添人旅恨三更月消我羈愁一卷書自愧生平無著作空將多病附相如

游海心亭有懷大明湖

彌境生情昆海邊故都風景尙依然
濟南終比漢書

水半城開白蓮

溫子畫驢圖

尋梅踏雪傳韻事名士風流原獨異非特香色堪千古卽其所乘亦別致曹霸畫馬最能工神清骨秀迥不同後人學畫各一體兩耳卓立憤聽風一人據鞍腰繫酒一人攬轡絡在手駝者散者各異形後有僕夫驅而走更有一驢仰朝天四蹶奔騰欲爭先且前且卻總不管但向背上亂著鞭紛紛作態憑潑墨那同畫馬有定式涉筆成趣見精神面長尾短走得得溫子家住在昆明滇陽道上跨蹇行

知音若逢王安石定向筆端索號聲

睡餘作

雞鳴犬吠養荒村偶取遺編作尙論
蕭相功高終繫獄于公客散只關門
蟲聲四壁驚鄉夢月色一簾銷旅魂
古往今來多恨事千秋公道借誰存

憶榆

茫茫四顧欲何之路達迤西偶繫思
蒙段封疆存舊版汧蒼雪月入新詩
煙深草蔓天威徑蘚合苔侵南詔碑
聞道

今秋禾稼茂勿因興築曠農時

時修
衙署

牆下行

古井連牆角淵淵一脈含寒暄無涸溢棄取辨廉貪眼泛
銀牀冷泉分石乳甘羸瓶懲舊訓易象可徐參

送蔡琢軒調任甯洱

宦迹原無定同舟誼不忘居官能免俗遷地卓爲良煙瘴
三年近首書萬里長余將從此逝酌酒待君嘗

中元前一夜大雨

滂沱經夜雨夢轉意如迷雲影當窗重雷聲繞戶低蕭蕭
催急漏漉漉誤荒雞明日登墻客芒鞋沒宿泥

迷遇

境遇誰能齊見大物自小我生多煩憂鬢髮著霜早坎壈
纏此身良醫和緩渺鬱鬱不得意怒焉心如擣囊有養生
書反覆事幽討起予不在遠培元義易曉忘愁爲善劑妙
論出物表言陟五華巔隨手拾香草歸來坐前楹口調綠
衣烏陶然真自得更無冗務擾俯仰樂天命百憂一笑了
晨昏漸加餐宿疴日減少何需青精飯始致顏色好三杯
助酣吟聊堪娛吾老

詠昆明池二首

依岸放輕舟，瀟池續舊游。縱橫餘百里，上下幾千秋。波淨
天同色，河高水逆流。漢皇遺迹在，兩地共悠悠。

踞坐大觀樓，涼秋豁遠眸。江湖同浩渺，日月共沉浮。昆口
居高處，螳川介下游。淪疏防壅滯，力役莫輕休。

席上爲王參府長游府李世兄作

谷風一什爲誰陳，屈指同心有幾人。自古武夫多性直，於
今世誼最情親。金蘭有契皆知已，桑梓無忘況比鄰。願與
諸君訂後約，相通杯酒莫嫌貧。

積雨

晝夜聽淒淒雲山入望迷陰多昏日月霽少逼虹霓助響
風欺葉排波水汎隄正當苗起秀勿令穗沾泥

閱韋詩

千卷紛羅信手披蘇州雅與素心宜溫柔會得風人旨長
夜挑燈讀韋詩

書懷

盡日偷閒一事無惟憑吟詠博歡娛題銜最喜書居士對
客何妨稱老夫展卷適逢見問字游心頓覺古爲徒臨餐
忽憶黃芽菜不羨江南蓴與鱸

友人饋蟹

來此江鄉食者稀
良朋持贈思依依
山東濱海饒鮮味
稻熟天風蟹正肥

袁姚二隨請送予北歸

相隨久作一般看
萬里不辭行路難
自愧相人無特識
眼中辜負兩任安

讀

詔書有感

綸音讀罷暗銷魂
一統車書沛首

恩率土已霑

新雨露編年猶紀舊乾坤星當紫極稱

飛后地介青宮履

至尊

聖聖相承昭世德靈長景運屬文孫

嶷嶠二子來

萬里尋親不避難昆先季後歷暄寒登堂竊喜翁猶健繞
膝惟憐淚未乾杖履追隨他日夢晨昏定省目前歡衰妻
老弟關懷甚同口惟言各自安

二子回

萬里迢迢第一程
苴蘭城畔試宵征
南來已慰趨庭意
北望還牽陟屺情
雲樹依然遵舊路
堦簾無恙奏同聲
梅花開徧年將轉
計到鄉關春正明

憶家

垂簾兀坐詠歸來
桂萼流光去不回
烏語花香春晝永
名繯利網宦心灰
階前丹桂成新蔭
牆下柔桑認舊栽
家近蘭陵多美酒
何時同弟日三杯

竹枝詞八首

幾日迎春復送春芳心一片逐游塵年來重赴東郊約依舊韶光不負人

伊孰無情共惜春况爲萬里思歸人新詩一首題剛半簾外飛花落地勻

蕭齋獨坐怨飄風獵獵平吹自逞雄寄語封姨摧不盡纏欄猶有杜鵑紅

無限芳菲入望賒陰雲黯淡逼窗紗可憐一夜蕭蕭雨落盡園林萬樹花

鶯聲不斷酒初醒手捲湘簾倦欲停萬紫千紅搖落遍惟

餘窗竹自青青

紛紛柳絮逐風飛
點入池塘魚正肥
海心亭畔閒無事
手把筠竿上釣磯

東郊散步自徘徊
無限韶光瞥眼纔
寄語山禽莫喚急
今年春去下來來

經過何須愁路歧
深深委巷隔疏籬
一聲短笛來何處
芍藥欄邊唱竹枝

寓中

靜室遠塵氛
隨心檢典墳
時來見問字
偶遇友論文
醉倚

窗前竹閒看嶺上雲適然逢得句矢口樂欣欣

病起游海心亭

病起強步尋勝地滿城煙景一望備東偏最愛圓通山雲
水相映接蒼翠海心厯下微相當濟南雲南萬里長歸去
應赴明湖約還從故鄉憶他鄉

妙香齋詩集卷四終

冠縣宗人錫書先生與

先曾大父同官滇中呈贈七律二首附錄集後

髫齡共席濟南城四十年來弟與兄

憶同肄業樂源書院已四十餘

年

裔出晉疆原舊譜

明洪武初遷沂兄弟二人

始祖由山西洪洞一居今之蘭山

一復遷於冠縣

官同滇阻又西京

大理府曰西京

龍關首尾今猶在

洱海淵源分外清五馬風流賢太守隨身琴鶴續家

聲

風味萼鱸舊冷衙山城僻邑暫爲家

書三鐸齊魯茲選元謀已三年

矣

高樓何處懷元馬

元謀土呼曰元馬

爨樂空傳弄五花

苗

樂諸子科名聯譜牒癸酉選拔同宗四人相逢白首

吾兩家子姪皆與焉

問桑麻歸思別緒真無奈三度西風感鬢華

原跋

山左詩人治熙閒爲盛自新城一老總持風雅主壇坫者四五十年海內翕然宗之無異詞獨益都趙秋谷先生晚出而持異同之論然同時若淄川高念東侍郎萊陽宋荔裳觀察爲先輩德州田山蘊中丞曲阜顏樂圃吏部與其家西樵攷功爲同輩俱不過左右膠斯而求其分道揚鑣馳騁上下并逐中原壁上諸侯不能爲左右袒者秀水則朱竹垞長洲則汪鈍翁宣城則施愚山吾鄉則秋谷一人而已以後山左詩壇少不振德州盧雅雨山人宏獎風流

差強人意未幾袁簡齋大令蔣苕生大史趙雲松觀察龍
驤虎視張旗鼓於南天駸駸乎目無齊魯然竊思此三君
者蔣學蘇而似蘇袁不學白而似白趙不學陸而似陸究
其以絕世之才享耄耄之壽月鍛年鍊卒變其縱橫跌宕
而一歸於自然者斷推甌北一老爲後勁焉吾鄉爲古瓊
邪秦岱峙其北黃河繞其南加以蒙嶧蒼羽之所鬱蟠沂
沐沔泲之所縈帶鴻鸞鳳舉鬱爲奇人自古然矣而近二
百年來聲華闐寂豈地靈人傑今或稍不如古大抵鄉士
大夫敦崇樸學雅不欲以詞華相尙卽有撰著亦不輕以

示人若謂近聖賢之桑梓鍾海岱之靈秀而曾無一二詩
人拔出其閒豈理也哉蘭邑趙荆園先生妙香齋稿敘言
備矣今再取其詩讀之反覆不能釋手韓子云餘事作詩
人先生政績卓然殆以詩爲餘事者而詩之可誦可傳裒
然成集固已如是先生子若孫世承琴硯斌斌有文顧念
手澤之遺裝潢成帙畀以讐校小子生晚不獲接先生馨
欬然自束髮受書頗識五七字句讀卽喜讀古近人詩私
心別裁雅不欲隨聲附和而平生所最服膺者秋谷節山
集雲松甌北集今乃又得讀妙香齋詩高常侍云未知肝

膽向誰是令人卻憶平原君蓋廉頗思用趙人不獨不忘
故舊其中自有緣焉世有賞音當不河漢吾言也夫後學
吳步韓謹跋於百石山房之醉菊軒北

大理古妙香國也

先大夫守土者十年勤政不遑豈意以詩名哉顧性耽吟
詠家居時時一拈毫至滇後未忘韻語與會所至略
寄於詩或朋友在座相對唱酬或遙憶鄉關用誌宦
况日月既多隨手棄置嶠長兄晴嵐隨任最久留心
收存茲

先君見背三十年矣展卷涕零不能自已并在家舊稿共
錄四卷待付剞劂用存手澤云爾男宗嶠謹識

先君子喜作韻語游滇十餘載簿書之暇不廢吟詠余

長兄輯而存之哀然成帙迄

先君捐館後三兄手自釐訂問敘於鄰邑進士吳小岩明
府付梓未遑歲辛亥崙筮仕南服攜至高平署中值
戎馬倉皇軍書旁午無片刻休暇命兒輩五夜篝鐙
重加校讐用付剞劂聊存先人手澤以成吾兩兄

素心云爾時咸豐二年壬子歲桂月出繼男宗崙謹

識

先曾大父荆園府君著有妙香詩稿 先大父晴嵐府君

隨侍任所留心收藏檢付 先三叔祖海岩公輯成

四卷 先四叔祖星岩公刻於楚南板後爲兵燹所

燬肇攜舊本來關中思覓佳工重刻之甲申歲再攝

池陽公餘之暇偕弟嘉翔重加校對付梓時光緒十

年冬月之吉曾孫嘉肇謹識於三原縣署之清白堂